

Янгиликлар, воқеалар,

хабарлар

Сифат яхшиланди

Қашқадарё

Нишон туманидаги нон маҳсулотлари ишлаб чиқаришга ихтисослаштирилган "Проксема" корхонасида қиймати 70 миллион сўмлик янги лойиҳа амалга оширилди. Яъни бу ерда замонавий технология асосида қадоқланган лагмон тайёрланмоқда.

Суюн Болтаев. — Це-химизга ўрнатилган дастгоҳлар кунига 1 тоннагача маҳсулот тайёрлаш қувватига эга. Нон, угра, вермишель каби маҳсулотларимиз эса ички бозорда ўз харидорини топиб улгурди.

Жорий йилнинг биринчи ярмида вилоят санавот салоҳиятини юксалтириш дастури доирасида эски қувватлари модернизация қилишни кўзда ту-тувчи 13,7 миллиард сўмлик 92 та лойиҳа рўёбга чиқарилди.

Аҳад МУҲАММАДИЕВ, «Халқ сўзи» мухбири.

Навбат — экспортга

Андижон

Хўжаобод туманидаги "Буюк Турон давомчили-ри" масъулияти чекланган жамиятида керамик гишт ишлаб чиқариш йўлга қўйилди.

— Мамлакатимизнинг барча ҳудудида бўлган сингари Андижонда ҳам улкан бунёдкорлик ишлари олиб борилмоқда, — дейди корхона иш-чиси Равшанбек Ҳайитов. — Қай бир шаҳар ёки туманга борманг, янгилаш ва ўзгаришларга гувоҳ бўласиз. Албатта, бу, ўз навбатида, жамоамизда тайёрланаётган маҳсулотларга нисбатан талаб ҳамда эҳтиёж ортишига хизмат қилаётир.

Тез орада мазкур жамият сифатли деворбор ма-териалларни қўшни давлатларга экспорт қила бош-лайди.

Саминжон ҲУСАНОВ, «Халқ сўзи» мухбири.

Коммуникация йўналишида уч корхона

Жиззах

"Жиззах" махсус индустриал зонасида бир йўла учта қўшма корхона фаолият бошлады.

Ушбу лойиҳалар "Ўзбектелеком" акция-дорлик компанияси ҳамда хитойлик инвесторлар ҳамкорлигида амалга оширилди.

— "Broadband solutions" қўшма корхона-сига Хитойнинг "Huawei Technologies" компанияси кўмагида асос солинди, — дейди мазкур тадбиркор-лик тузилмасининг тижорат ишлари бўйича директори Ирисмат Файзуллаев. — Натижада бу ерда

ахборот-коммуникация тармоғида кенг қўлла-ниладиган станция ва тақсимловчи ускуна-лар ҳамда абонент терминаллари тайёр-лашга киришилди.

Шунингдек, "ZTT Telekom" масъулияти чекланган жамиятида оптик толали кабеллар учун монтаж матери-аллари, турли сигим-даги телекоммуника-цион тақсимловчи шафлар ишлаб чиқ-арилаётган бўлса, учин-чи корхона — "Smart vision" масъулияти чекланган жамиятида "IP" телефонлари ва видеотелефонлар тай-ёрлаш йўлга қўйилди.

Толибжон ЭРГАШЕВ, «Халқ сўзи» мухбири.

Қисқа муддатда катта натижа

Сирдарё

Техник ва технологик янгилашлар туфайли Гу-листон шаҳридаги "Идеал аср" масъулияти чеклан-ган жамиятининг ишлаб чиқариш имкониятлари яна-да кенгайиб, маҳсулот тайёрлаш муддати сезилар-ли даражада қисқарди.

Хусусан, корхонага замонавий ускуналар келтирилгач, пайвандлаш жараёни аввалгига нисбатан беш баробар тезлашди. Шунингдек, металл кесиб чиқишга олиб борилган модернизациялаш тадбири ҳам ана шундай юқори самара берди.

— Корхонамиз суюлтирилган газни ташиш ва сақлашда фойдаланиладиган резервуарлар ишлаб чиқаришга ихтисослаштирилган, — дейди жамият бош муҳандиси Исоқжон Эҳсонов. — Жорий йилда турли сигимдаги 50 та цистерна ясашни мўлжал-ляпмиз.

Айни чоғда корхона усталари буюртмачилар талабига биноан, 5 кубометрдан 50 кубометргача бўлган металл идишларни тайёрламоқда. Ҳадемай, улар қаторига аҳоли учун маиший газ баллонлари ҳам қўшилди.

Аҳмадали ШЕРНАЗАРОВ, «Халқ сўзи» мухбири.

ИСЛОҲОТ

Изчил ислохотлар тараққиётимизни жадаллаштирибги-на қолмай, аҳоли турмуш даражасининг юксалишига хизмат қилмоқда. Давлатимиз раҳбарининг 2012 йил 13 апрелдаги "Ангрен" махсус индустриал зонасини барпо этиш тўғрисида"ги Фармони Ангренда ривожла-нишнинг янги босқичини бошлаб берди. Бу ерда тоғ-кон, тўқимачилик, қурилиш, энергетика, машинасозлик, озиқ-овқат, мебелсозлик соҳаларида замонавий корхоналар ишга туширилди.

«Ангрен» МИЗ:

ИНВЕСТИЦИЯЛАР ОҚИМИ КЎПАЙМОҚДА

Хусусан, ўтган тўрт йил давомида "Ангрен" МИЗда умумий қиймати 180,8 мил-лион АҚШ долларилриқ 10 та инвестициявий лойиҳа рўёб-га чиқарилди. Бу маблағлар-нинг 133,8 миллион долла-рини тўғридан-тўғри хорижий сармоялар ташкил этди.

Махсус индустриал зона-да тайёрланаётган истеъмол товарлари харидорлиги билан ажралиб туради. Ма-салан, чет эллик шериклар сармояси иштирокида барпо этилган, йиллик қуввати 330 минг тоннага тенг "Ангрен

шакар" қўшма корхонаси маҳсулотлари турдошлари билан тўлиқ рақобатлаша олади. Масъулияти чеклан-ган жамият шаклидаги "EGL-Nur" қўшма корхонасида эса йилгига 100 минг донадан зиёд энергия тежовчи све-тодиодли лампалар тайёрла-ниб, аҳолига етказиб бери-ляпти.

Йилгига 8 минг тонна тур-ли ўлчамдаги мис қувурлар ишлаб чиқараётган "Ангрен қувур заводи" унитар корхо-наси, 43 минг тонна база-вий мой тайёрлаётган "Uz-

Prista Recycling" қўшма кор-хонаси, бинокорлик жамоа-лари ва якка тартибда уй-жой қурувчиларни 25 мил-лион дона безакли фишт би-лан таъминлаётган "Original gold ceramic" корхонаси маҳ-сулотлари ҳам қисқа муддат-да ўз харидорларини топиб улгурди. Ана шу субъектлар томонидан жорий йилнинг етти ойида жами 531,2 мил-лиард сўмлик товарлар

Мустақиллик бу ерга янги ҳаёт бағишлади. Махсус ин-дустриал зона бунёд этилгач, шаҳримиз қиёфаси бутунлай ўзгариб кетди. Кўп қаватли бинолар тўлиқ таъмирланди. Хиёбонлар, кўчалар, истиро-ҳат боғлари, фавворалар фойдаланишга топширилди. Электр, газ, ичимлик суви тармоқлари янгиланди. Би-нобарин, хорижий ва маҳал-лий инвесторларга қулайлик

9 та инвестициявий лойиҳа-нинг ҳаётга татбиқ этилиши воҳода кўплаб ижтимоий масалаларни ижобий ҳал қилиш, аҳоли бандлигини таъминлаш, инфратузилма, транспорт-коммуникация ти-зимини такомиллаштириш имконини яратди.

"Ангрен" МИЗ ҳудудида-ги корхоналар сони ортиши-да давлатимиз томонидан юридик шахслар учун тақ-дим этилаётган имтиёз ва преференциялар муҳим роль ўйнамоқда. Чунончи, яқиндан бошлаб глазури керамик қоплама ҳамда ке-рамогранит композит арма-тура, электр тармоқлари учун бутловчи қисм ва изо-ляторлар, фомекс, акрил каби пластик материаллар, баннерлар учун матолар ишлаб чиқариш ўзлаштирил-гани бунинг тасдиғидир.

Ҳозир янги санаот объектларида қурилиш-мон-таж ишлари якунланмоқда, асбоб-ускуналарни ўрнатиш, ҳудудларни ободонлашти-риш ишлари олиб борил-ляпти. Ушбу лойиҳалар амал-га оширилгач, 460 дан ортиқ кишининг бандлиги таъмин-ланади.

Раҳматилла ШЕРАЛИЕВ, «Халқ сўзи» мухбири.

Эзгу ишлар давоми

Инсон қадрини белгиловчи омиллар кўп. Шулардан бири саломатлик муҳофазасидир. Ўтган йилларга мамлакатимизда "Оила йили", "Соғлом авлод йили", "Оналар ва болалар йили", "Сиҳат-саломатлик йили", "Ҳомийлар ва шифокорлар йили", "Баркамол авлод йили", "Соғлом бола йили", "Соғлом она ва бола йили" деб ном берилгани, шу муносабат билан Давлат дастурлари қабул қилинган замирида, авваломбор, халқимиз саломатлигига қаратилган юсак ғамхўрлик намён.

2016 йил — СОҒЛОМ ОНА ВА БОЛА ЙИЛИ

Андижон вилояти тиб-биёт бошқармаси томони-дан ҳам она ва бола са-ломатлигини асраш, бу борада тарғибот-ташви-қот ишлари кўламини кен-гайтиришга доир ишлар изчил давом эттирил-моқда.

Соғлом онадан соғлом фарзанд дунёга келади. Шундай экан, оналарга бўлган ғамхўрликни ку-чайтириш, уларнинг сало-матлигини мунтазам на-зорат этиб бориш ҳамда зарур пайда тиббий ёрдам кўрсатиш бош мақ-садимизга айланган. Бу борада онкология касал-ликлари профилактикаси, эрта аниқлаш ва скринин-ги бўйича ойлик ўтказил-ди. Натижада таҳдид гу-руҳига кирувчи 1300 на-фарга яқин аёллар ора-сида онкологик касаллик-ларни барвақт аниқлаш юзасидан профилактика ишлари якунига етказил-ди. Скрининг маркази то-монидан 16379 нафар ҳомиладор аёлнинг ультратекурирувни таш-кил қилиш орқали нафа-қат оналар, балки туғила-жак чақалоқлар соғлиғини ҳам назоратдан ўтказди. Вилоятимизнинг чекка ҳудудларида яшовчи аёл-лар алоҳида эътиборимиз-да турибди. 2016 йил 1 июль ҳолатига кўра, улардан 22328 нафари таркибда фольи кисло-таси мавжуд бўлган ум-вий қувватлантирувчи поливитаминомлар билан бепул таъминланди.

рохлик бўлимида икки юзга яқин ўғил-қизда жаррохлик амалиётлари муваффақиятли ўтка-зилди. ОИТСга қарши ку-раш маркази томонидан 1500 нафардан ортиқ бола вирусга қарши препарат билан таъмин-ланди.

Фарзандларимизнинг тиббий ҳолати аслида уларнинг она қорнидаги шаклланиш жараёнидан бошланади. Шундай экан, оналар саломатлигини мунтазам кузатиб бориш жуда муҳим. Ҳозиргача турли юқумли касаллик-ларга қарши қарийб 20 минг нафар чақалоқ эмланди. Шунингдек, бошқа касалликларга қарши эмлаш ишлари сифатли тарзда ташкил этилди. Унинг доирасида 16 ёшгача бўлган фарзанд-ларимиз қамраб олинди.

Бу каби ишларни ҳаёт-га татбиқ қилишда, энг аввало, тиббиёт ходимла-рининг малакаси устувор аҳамиятга эга. Зеро, ўз касбининг устаси бўлган, узоқ йиллик тажрибага эга шифокорларгина масъулиятли вазифалар-ни адо этишга қодир. Би-нобарин, шифо масканла-рининг тиббий асбоб-ан-жонлар билан таъминлан-ганлиги, уларнинг жаҳон талабларига мос эканли-ги ҳам соҳада олиб бо-риляётган ишлар салмо-ғини ошириб, инсон саломатлигидек улуғ неъматни асрашда қўл келмоқда.

Қисқача айтганда, она ва бола саломатлиги дол-зарб вазифа бўлиб қола-веради. Зеро, оналари бахтиёр, ўғил-қизлари ҳар томонлама камолга етган мамлакатларнинг эртанги кунни порлоқдир.

Гулнаҳор АБДУЛЛАЕВА, Андижон вилояти соғлиқни сақлаш бошқармаси бошлигининг оналик ва болаликни муҳофаз қилиш бўйича ўринбосари.

КИЧИК БИЗНЕС

ИЛҒОР ТЕХНОЛОГИЯЛАР САМАРАСИ

Косонсой туманидаги "Косонсой ал-Азиз" масъулияти чекланган жамияти ана шундай илғор кичик бизнес субъектларидан биридир. Бу ерда тайёрланаётган пойабзаллар кўркам дизайн ва пишиқлиги билан турдошларидан ажралиб туради.

Айтиш жоизки, корхона иш бош-лаган дастлабки даврда тех-нологик жараённинг катта қисми қўл меҳнатига асо-сланган эди. Вақт ўтиши билан ишлаб чиқаришга за-монавий дастгоҳлар татбиқ этилди. Хусусан, икки йил аввал бу ерда 300 минг АҚШ долларилриқ модернизация-лаш тадбирлари амалга оширилиб, мавжуд ускуна-лар тўлиқ янгиланди.

— Бу технологияларнинг афзалликлари кўп, — дейди компьютерлаштирилган қурилмани бошқараётган Фарход Йўлдошев. — Улар бир пайтнинг ўзида бир неча амалиётни бажариш хусусиятига эга. Масалан, илгари пойабзалнинг уст-ки қисмини икки-уч киши тайёрлар, шундан сўнг бошқа ишчи таглик қисмини елим ёрдамида маҳкамлаб чиқарди. Одатда, бундай усулда иш-ланган оёқ кийимининг узоқ вақт чи-дашига кафолат бера олмадик. Кўпича елимланган таглик кўчиб ке-тиб, харидорларнинг ҳақли эътиро-зига сабаб бўларди. Энди-чи? Ва-зият бутунлай ўзгарган. Авваллари бу маҳсулотни бошқа жойдан сотиб олган бўлсак, ҳозир уни ўзимиз ишлаб чиқараяпмиз. Деярли барча юмуш автоматлаштирилган.

Технологик янгилашлар шаро-фати билан "Косонсой ал-Азиз"да қувватлар икки баробар ортиб, йи-

лига 200 минг жуфтдан зиёд пойаб-зал тайёрлаш имконияти юзага кел-ди. Тўқсон олти кишилик жамонинг асосий қисми ёшлардан иборат. Уларнинг кўпчилиги касб-хўнар коллежларини тамомлаган бўлиб, илғор дастгоҳларни моҳирлик билан бошқаришяпти.



Пойабзал сифати, чидамлиги асосий хом ашё — чарминг пишиқ-лиги, ишлов беришга қулайлиги би-лан боғлиқ. Шу жиҳатдан олганда, мазкур корхона маҳсулотлари юз фоиз табиий теридан тикилаётгани унинг харидорлигини таъминлаёт-тир. Бу имконият Наманган шаҳрида фаолият кўрсатаётган "Нафис чарм" масъулияти чекланган жамияти би-лан мустаҳкам ҳамкорлик йўлга қўй-лиши натижасида юзага келди.

Албатта, ўзига хос дизайнга эга, ихчам ҳамда энгил оёқ кийимига талаб катта. Косонсойдаги корхона маҳсулотларининг буюртмачилари тобора қўлайиб бораётгани замири-да ҳам айни шу омиллар мужассам. Бу, жумладан, жорий йилнинг бирин-

чи ярмида 1,6 миллиард сўмлик то-вар ишлаб чиқарилиб, ўтган йилнинг шу давридагига нисбатан 20 фоиз ўсишга эришилганида ҳам аққол кўринади.

— Яқин вақтга қадар фақат ички бозор билан чекланардик, — дейди корхона раҳбари Баҳодир Тошматов. — Энди экспортга чиқишга тараддуд кўраяпмиз. Бундан тўрт ой аввал қўшни давлат-ларда ўтказилган халқаро кўргазмаларда иштирок эт-гандик. Маҳсулотларимиз на-муналари кўпчиликка манзур бўлди. Чет элликлар билан келишувга эришдик. Ҳаде-май, хорижда ўз дўконимиз-ни очамиз. Йил охиригача экспортчи корхоналар сафи-дан жой олишни кўзлаб турибмиз.

Кичик бизнес субъекти-нинг барқарор фаолияти, бу ерда йўлга қўйилган замона-вий ишлаб чиқаришни кўриб, бундан 25 — 30 йил олдинги ҳолат ёдга тушади. Дўконларга кўриниши дағал, ранги уникқан пойабзаллар чиқарила, танлаш имконияти йўқли-гидан одамлар уни мажбуран сотиб олишарди. Бугун бозорга кириш, со-тувда юзлаб турдаги пойабзал бор. Энг муҳими, уларнинг катта қисми ўзимизники, маҳаллий шароитда ишлаб чиқарилган. Бу, аввало, жой-ларда яратилган қулай тадбиркор-лик муҳити, ташаббускор юртдош-ларимизнинг изланишу интилишля-ри самараси, десак, тўғри бўлади.

Қудратилла НАЖМИДИНОВ, «Халқ сўзи» мухбири.

Ҳасан ПАЙДОЕВ олган суратлар.

тарошхона ва савдо шохобчаси ҳам ишлаб турибди.

— Давлатимиз томони-дан тадбиркорларга бери-ляётган имтиёзлар фаоли-ятимизга унум бағишламоқ-да, — дейди С. Собирова. — Бундан оқилона фойда-ланиб, келгусида ишлаб чиқариш кўламини янада кенгайтирмоқчимиз.

Ойбек РАҲИМОВ, «Халқ сўзи» мухбири.

Тадбиркор ташаббуси

Гурлан туманидаги тикувчилик маҳсулот-лари ишлаб чиқаришга ихтисослаштирилган "Чевар Ирода" хусусий корхонаси раҳбари Сайёра Собирова — изланувчан тадбиркор.

ИЗЛАНИШ

У ҳудуддаги бўш тур-ган бинони 170 миллион сўмлик сармоя киритиш ва янги иш ўринлари яратиш шарти билан

"ноль" қийматида сотиб олганди.

Ишбилармон аёл ана шу мажбуриятни бир йил ичида бажаришга эришди.

Шунингдек, илғор русум-даги тикув дастгоҳлари харид қилинган, 22 кишининг бандлиги таъминланди. Ҳозир бу ерда ойига ўрта-ча 15 миллион сўмликдан зиёд 20 турдаги маҳсулот тайёрланиб, мижозларга етказиб берилмоқда. Қолаверса, таъмирдан чиқарилган кўркам бино-да гўзаллик саломи, сар-



Кўп тармоқли инфокиоск

Бухоро
Бухоро давлат университети 2 та кўп тармоқли инфокиоска эга бўлди. Бу лойиҳа Европа Иттифоқининг Темпус дастури доирасида амалга оширилди. — Мазкур замонавий қурилмалар жаҳон стандартлари даражасида фаолият кўрсатиши билан ажралиб туради, — дейди ушбу халқаро дастурнинг "UNIWORK" лойиҳаси координатори Бахтиёр Адизов. — Яъни улар олий ўқув юртимизнинг профессор-ўқитувчилари

ри ҳамда талабаларига интерфаол хизматлар кўрсатишга мўлжалланган. Инфокиосклар кўмагида фойдаланувчи ўзига зарур маълумотни бир зумда олиш имкониятига эга бўлади. Вақти тежаллади. Биз Темпус дастури доирасидаги бундай ҳамкорликни йил сайин мустахкамлаяпмиз. Яқинда университетимиз шу дастурга кўра, 24 минг евро миқдоридagi энг замонавий ахборот технологиялари билан таъминланди.

Истам ИБРОҲИМОВ,
«Халқ сўзи» мухбири.

«Биллинг» тизими афзаллиги

Тошкент вилояти

«Сувоқова» давлат унитар корхонаси аҳолига кўрсатилаётган хизматлар сифатини янада яхшилаш мақсадида «Биллинг» тизимини жорий этди. Мазкур янгилик кенг қамровли дастурдан иборат бўлиб, истеъмолчилар ҳақидаги тўлиқ маълумотни ўзида жамлайди ҳамда улар билан тўғридан-тўғри алоқа ўрнатилган имконини беради. Замонавий компьютер техникаларини пухта тайёргарликдан ўтган малакали ходимлар бошқармоқда.

— Янги тизимда ишлаш жуда қулай, — дейди корхона оператори Абдуқодир Алчуразов. — Қолаверса, у тезда ўз самарасини бера бошлади. Қисқа вақт ичида истеъмолчилар қарзлари 2,5 млрд. сўмга қисқартирилди.

Шунингдек, белгиланган манзилли дастурга мувофиқ, корхонанинг 33 та ичимлик суви объектида 62,4 километр узунликдаги қувур тармоқлари, 14 та қудук, 5 та сув минораси, 11 сув насоси реконструкция қилиниб, тежамкор ва самарали агрегатлар ўрнатилди.

Раҳматилла ШЕРАЛИЕВ,
«Халқ сўзи» мухбири.

Хизмат кўрсатиш мажмуаси

Қорақалпоғистон Республикаси

Нукус туманидаги «Алишер — Санжар» фермер хўжалиги шифобахш ўсимлик — ширинмия етиштиришга ихтисослаштирилган.

— Яқинда фаолиятимизни кенгайтириб, аҳолига маиший хизмат кўрсатишни ҳам йўлга қўйдик, — дейди тадбиркор Гулзира Жалғасбаева. — Бунинг учун 150 миллион сўм маблағ ҳисобига туманимиз марказидаги бўш турган

бино реконструкция қилинди. Ҳозир бу ердан сартарошхона, пойабзал таъмирлаш устaxonаси, тикувчилик ва гўзаллик саломи каби ўн иккита шохобча ўрин олган бўлиб, улар орқали аҳолига ҳар ойда 10 миллион сўмликдан зиёд хизматлар кўрсатилмоқда. Мажмуа ишга туширилиши билан ўнга яқин йигит-қизнинг бандлиги таъминланди.

Ҳидоят АҲМЕДОВ,
«Халқ сўзи» мухбири.

Фаровонлик кафолати

Навоий

Хатирчи туманидаги «Облоқул бобо Ражабов»

оилавий корхонаси томонидан гул ва манзарали кўчатларни сақлашга мўлжалланган махсус сопол идишлар ишлаб чиқариш ўзлаштирилди. Ушбу лойиҳа рўёби учун 150 миллион сўмдан ортиқ сармоя йўналтирилди. Пировардида янги иш ўринлари яратилиб, миллий нақшлар туширилган қуллоқли маҳсулотлари тайёрлаш йўлга қўйилди.

— Яратилаётган кенг имкониятлардан фойдаланиб, ўз корхонамни ташкил этдим, — дейди тадбиркор Нурбек Ражабов. — Хусусан, тижорат банки томонидан ажратилган 82 миллион сўм миқдоридagi кредит ушбу лойиҳани амалга оширишда қўл келди.

Жорий йилнинг ўтган даврида мазкур туманда 32 та кичик бизнес ва хусусий тадбиркорлик субъекти ташкил этилиши билан 248 та иш ўрни яратилди.

Азамат ЗАРИПОВ,
«Халқ сўзи» мухбири.

«Жаҳонда эътирофини топган «ўзбек модели» кенг кўламли муваффақиятларнинг асосидир»

Яқинда Шанхай халқаро тадқиқотлар университети ҳузуридаги Марказий Осиё мамлакатлари тадқиқотлари маркази томонидан Ўзбекистонда мустақиллик йилларида амалга оширилаётган ислохотлар ва уларнинг самараларига бағишланган давра суҳбати ўтказилди. Унда Хитой эксперт-академик доиралари вакиллари ҳамда Шанхай халқаро тадқиқот-

лар университетининг Ўзбек тили кафедраси мутахассислари иштирок этди.

Тадбир қатнашчилари мамлакатимизнинг суверен ривожланиш йилларида қўлга киритган кенг кўламли муваффақиятлари, ижтимоий-иқтисодий кўрсаткичлари, демократик ислохотларнинг жаётга босқичма-босқич татбиқ этилиши жараёнлари билан яқиндан танишдилар.

ДУНЁ НИГОҲИ

Давра суҳбати якунида унинг айрим иштирокчилари «Жаҳон» ахборот агентлиги учун интервью берди.

Ван Нин,
Марказий Осиё мамлакатлари тадқиқотлари маркази директори:

— Жорий йилнинг май ойида олий ўқув юртимиз делегацияси таркибида Ўзбекистонга боришга муяссар бўлган, мамлакатингиздан эса унутилмас таассуротлар билан қайтгандим. Чунки сафарим давомида юртингизда давлат

ва жамият ҳаётининг барча соҳасида изчил ривожланишнинг гувоҳига айландим. Қайд этиш жоизки, республикангизнинг ўз олдига қўйган мақсадларига эришиш йўлидаги ишончли қадамлари юқори баҳога сазовордир.

Кенг миқёсдаги бунёдкорлик ҳамда ободонлаштириш юмушлари бўйича олиб борилётган чора-тадбирлар натижалари, замонавий транспорт-коммуникация инфраструктураси яратилгани, аҳоли фаровонлиги таъминлангани

Ўзбекистонликларнинг юз кўзларида яққол акс этиб турганини кўрдим.

«Ўзбек модели» номи билан жаҳонда эътирофини топган тараққиёт йўли, шубҳасиз, бу муваффақиятларнинг асоси ҳисобланади.

Чжан Цзили,
Марказий Осиё мамлакатлари тадқиқотлари маркази ижрочи директори:

— Мен мамлакатингиз қўлга киритган ютуқлардан янги хабардорман. Ўзбекистонга бир неча маротаба бор-

ган чоғларимда республикани модернизациялаш ва янгилаш йўлида олиб борилган ислохотларнинг гувоҳи бўлганман.

Бугунги кунда Ўзбекистон дунёнинг ривожланган давлатлари сафидан жой олиш мақсадида демократик ўзгаришлар йўлидан ишонч билан бормоқда. Шубҳасиз, бунинг учун республика зарур салоҳиятга эга. Эришилган марралар эса ҳар томонлама пухта ўйланган ислохотлар стратегиясининг, иқтисодий тинчликни рағбатлантириш ҳамда диверсификациялашнинг ёрқин натижасидир.

Биз Ўзбекистонда кўпгина йирик инфратузилма лойиҳалари Хитой компаниялари иштирокида амалга оширилаётганидан хурсандимиз. Ангрен — Поп электрлаштирилган темир йўли ва ундаги Қамчиқ туннели қурилиши икки томонлама муваффақиятли ҳамкорликнинг мисоли сифатида кўрсатиш мумкин.

У Айжун,
Шанхай халқаро тадқиқотлар университети Ўзбек тили кафедраси мудири:

— Ўзбекистонда рўй бераётган ўзгаришлар, қўлга киритилаётган ютуқларга Хитой жамоатчилиги катта қизиқиш билан қараганини ҳисобга олиб, ана шу жараёнлар ҳақидаги мақолалар олий ўқув юртимизнинг веб-саҳифасига мунтазам равишда жойлаштирилади. Уйлайманки, Ўзбек халқи забот этаётган марралари билан фахрланишга ҳақлидир.

Мамлакатингизнинг иқтисодий барқарор ривожланиши таъминлаш, қулай ишбилармонлик муҳитини яратиб буйича таъжрибаси хориқлик мутахассислар томонидан фаол ўрганилмоқда. Жалб этилаётган чет эл сармоялари, шу жумладан, Хитой капиталининг ҳажми тобора ортиб бораётгани бу йўналишда олиб борилётган ишлар самарадорлигининг тасдиғидир.

«Жаҳон» АА,
Шанхай

Ўзбекистон Республикаси Давлат божхона кўмитаси Олий ҳарбий божхона институтида жорий йилда ўқишга қабул қилинган тингловчиларнинг ҳарбий ва божхоначи қасамёдини қабул қилиш маросими бўлиб ўтди. Унда давлат ва жамоат ташкилотлари вакиллари, ота-оналар ҳамда оммавий ахборот воситалари ходимлари иштирок этди.

БУРЧ



ВАТАНГА САДОҚАТ — ЭНГ ЮКСАК ФАЗИЛАТ

Давлат божхона кўмитаси раиси З. Дўсанов, Олий Мажлис Қонунчилик палатаси депутаты Қ. Жўраев ва бошқалар қайд этганидек, барча соҳада амалга оширилган кенг кўламли ислохотлар туфайли мамлакатимиз халқаро ҳамжамиятда ўз ўрни ва мавқеига эга бўлди. Истиқлол туфайли таркиб топган божхона хизмати халқаро стандартлар даражасида фаолият ҳар ойда 10 миллион сўмликдан зиёд хизматлар кўрсатилмоқда. Бу тизим мамлакатимизнинг иқтисодий манфаатлари ва хавфсизлиги ҳимоясини

таъминлаётди. Бунда замонавий билимларни чуқур ўзлаштирган, юқори малакага ва амалий таърибага эга бўлган ёш божхоначи кадрлар муҳим ўрин тутмоқда.

2003 йилда ташкил этилган Олий ҳарбий божхона институтида ҳозирги кунда божхона иши ва юриспруденция мутахассислари бўйича малакали кадрлар тайёрланмоқда. Шу пайтга қадар мазкур даргоҳда таҳсил олган мингдан ортиқ мутахассис божхона

органида хизмат қилаётди.

Институтда божхона расмийлаштирувни ташкил этиш, криминалистика техникаларини ўрганиш синфлари, божхона постининг моделлаштирилган ўқув аудиторияси, хорижий тилларни ўрганиш, ҳарбий машғулотлар хоналари, божхона экспертизаларини амалга оширишга мўлжалланган замонавий воситалар ва асбоб-ускуналар билан жиҳозланган лаборатория, автомобиль тайёргарлиги бўйича махсус ўқув тре-

нажерлар ҳамда транспортда амалий машқлар ўтказиш синфлари мавжуд. Шунингдек, иккита замонавий ётоқхона, кутубхоналар, спорт мажмуаси ва бошқа зарур иншоотлар тингловчилар ихтиёрида.

Тадбирда ана шундай шароитлардан оқилона фойдаланиб Ватанга садоқат билан хизмат қилиш муқаддас бурч эканлиги алоҳида таъкидланди.

Н. АБДУРАИМОВА,
ЎЗА мухбири.

Аъло АБДУЛЛАЕВ ошган сурат.

ТАЪЛИМ МАСКАНИ УЧУН СПОРТ ЗАЛИ

Қашқадарё вилоятининг Қарши туманидаги 49-умумтаълим мактабида янги спорт зали фойдаланишга топширилди.

ҒАМХЎРЛИК

Шу муносабат билан ташкил этилган тадбирда мамлакатимизда навқирон авлодининг ҳар томонлама баркамол улғайиши борасида кўрсатилаётган ғамхўрлик йигит-қизларнинг илм-фан, санъат, спорт ва бошқа соҳаларда эришаётган ютуқларига пухта замин яратаётгани таъкидланди.

Ўзбекистон Болалар спортини ривожлантириш жамғармаси маблағи эвазига барпо қилинган мазкур спорт мажмуаси 36 хилдаги спорт инвентарлари билан таъминланди. Бу ерда ювенил, тиббиёт, мураббийлар учун мўлжалланган махсус хоналар ҳам мавжуд.

— Таълим муассасамизда 250 дан зиёд ўқувчи таҳсил олади, — дейди мактаб директори Жасур Қулмуродов. — Ёшларимиз спорт билан шугулланишга жуда ҳам қизиқди. Масалан, ўтган ўқув йилида мактабимизнинг волейбол жамоаси туманда биринчи ўринни, вилоятда учинчи ўринни эгаллади. Ҳаваскор спортчиларимиз бошқа спорт турлари бўйича ҳам юқори ўринларни қўлга киритмоқда. Янги спорт зали бундай муваффақиятларимизни янада кўпайтиришга, ёшлар ўртасида соғлом турмуш тарзини тарғиб этишга хизмат қилади.

Вилоятда ўтган йиллар давомида Ўзбекистон Болалар спортини ривожлантириш жамғармаси томонидан 190 замонавий спорт мажмуаси ҳамда 19 болалар мусиқа ва санъат мактаби қурилиб, капитал реконструкция қилинди. Эътиборлики, бу объектларнинг 163 таси қишлоқ жойларда барпо этилган.

Ҳ. БАРОТОВ,
ЎЗА мухбири.

Фермердан ғоя, банкдан сармоя

Аниқ ва мақсадли ислохотлар барча соҳада бўлгани каби қишлоқ хўжалигида ҳам туб бурилиш ясади. Кенг имкониятлар, қулай шарт-шароитлар яратиб берилгани пировардида паст рентабелли дея ҳисобланган деҳқончиликни энг самарали ҳамда сердаромад соҳага айлантирди.

ЖАРАЁН

Ер ўз эгасига топширилгач, одамларнинг мулкка нисбатан муносабати ўзгарди. Фермерлик ҳаракати қисқа фурсатда ижтимоий-иқтисодий ҳаётимизнинг муҳим бўғини бўлиб қолди.

2011 йилда Бағдод туманида ташкил этилган «Муби-нахон — Муфассалхон» фермер хўжалиги ерлари дашт, бунинг устига, тошлоқ ҳудудда жойлашгани туфайли кўпчилик унинг истиқболлиги шубҳа билан қараганди. Бирок қишлоқ мулкдориди — Зафаржон Аюповнинг ташаббускорлиги, изланувчанлиги туфайли 5 гектар май-

донда лимонзор ва балиқчилик йўлга қўйилди. Ҳозир бу ерда 5 киши иш билан банд.

Илғор иш услуби хўжалик фаолияти самарадорлигини оширишда муҳим омил бўлаётди. Хусусан, маҳаллий ўғитдан олинаётган биогаз 1 гектарлик иссиқхона ва яна шунча майдонни эгаллаган балиқчилик ҳавзала-худуддаги ҳароратни мўтадиллаштириш имконини бермоқда. Қолаверса, таркибидagi захарли газлар сўриб олинган табиий ўғит қайта ишланиб, турли озуқавий моддалар билан тўйинти-

рилгач, ундан балиқлар учун экологик тоза емиш сифатида фойдаланилапти.

— Хўжалигимизни ташландик ҳолдаги карьер ўрнида ташкил қилганимиз, — дейди фермер Зафаржон Аюпов. — Шу боис у чуқурликлардан иборат эди. Ишни 180 метр замин қаридан бир сонияда 10 литр сув чиқариш қувватига эга дренаж қавлашдан бошладик. Чунки бу ҳудудда оқар сувнинг ўзи йўқ. Сўнгра экинлар, қолаверса, иссиқхона учун жой ҳозирлашга киришдик. Еримиз тошлоқ бўлганлиги боис зовурлар қирғоғидан юзлаб машина соз тупроқ, тонналаб маҳаллий ўғит келтириб тўқдик. Ўзингиз ўйланг, 8 метр чуқурликни тўлдирининг ўзи бўладими?! Албатта, бунда банк томонидан ажратилган

870 миллион сўм миқдоридagi сармоя жуда қўл келди. 2015 йилда истеъмолчиларга 6 тонна балиқ, 11 тонна лимон, 8 тонна турли полиз маҳсулотлари етказиб бердик. Олинган даромаднинг 34,6 фоизини хўжалигимизда амалга ошираётган лойиҳаларга сарфляпмиз.

Дарвоқе, яқинда бу ерда Африка лаққа балиқларини парваришлаш йўлга қўйилди. Эътиборли жиҳати, ушбу жонзот тури учун сувдаги кислород ҳамда ёруғлик миқдори аҳамиятли эмас. У ўта лойқа ва тургун ҳавзаларда ҳам бемалол яшай олади. Бундан ташқари, йи-гирма сотих майдонда балиқларга захира озуқа сифатида полиз экинлари илдизи остида чувалчанлар кўпайтириляпти. Ўз навбатида, чорва гўнғидан чиқа-

ётган биогаз сиқилган ҳолатда махсус цистерналарга жамланаётди. Қиш мавсумида ушбу муқобил ёнилғидан иссиқхона хўжалигида фойдаланилади.

Умуман, давлатимиз томонидан фермерлар учун яратилаётган қулайлик ва преференциялар уларнинг орзу-истакларига қанот бўлмоқда. Ўн-ўн беш йил олдин даромад кўриш, машина олиб, уй-жой кўтариш мақсадида меҳнат қилган ер эгалари бугун ўз хўжаликлари қошида қайта ишлаш корхоналари барпо этиб, ёшларни иш билан таъминламоқда. Янги-янги лойиҳаларни амалиётга татбиқ этаёпти. Бу эса мамлакатимизнинг иқтисодий равнақиға муносиб ҳисса бўлиб қўшилаётди.

Элёржон ЭҲСОНОВ,
«Халқ сўзи» мухбири.



«Омонхона» синоати

Сурхон табиати ўз ажойиботлари билан кишини доимо хайратга солиб келади. Дейлик, Термизда ёз чилласида кум устида туҳум пишса, Бойсун, Чўлбайир тоғларидаги булоқлардан ҳосил бўлган дарёлар сувига кўл солсангиз, музлатади. Тоғлар бағридан сизиб чиқаётган Омонхона, Хўжаипок чашмалари таърифни кўпчилик яхши билади.

ВАТАН МАНЗАРАЛАРИ

Ҳақиқатан ҳам, воҳа табиати мўъжизаларга бой. Бойсун туманидаги Омонхона булоғи ва ундан сизиб чиқаётган шифобахш сув ҳақида эшитмаган, бир марта

учун барча шарт-шароит муҳайё.

Тоғлар бағрини ёриб чиқаётган мазкур чашма сувининг хосияти ўтмишда ҳам тилларда дoston бўлган. Бироқ яқин тари-



бўлса-да, у ерга боришни ният қилмаган киши кам топилса керак. Албатта, бунинг ўзига хос сабаблари бор. Айтишларича, ушбу ҳудудда яшовчи маҳаллий аҳоли орасидан ўткир юқумли касалликлар, ҳатто ошқозон-ичак хасталиклар билан оғриганлар рўйхатга олинмаган экан.

— Кизирик туманиданман, — дейди Неъмат Хушвақтов. — Хар йили келиб, булоқ сувидан тўйиб-тўйиб ичаман. У менга жўшқин ҳаёт бахш этаётгандек туюлади. Бу ердаги шароитлардан ҳам кўнгли тўлади. Сихаттоҳ жамоасига раҳмат. Шифокору ҳамширалар хушмуомала. Хоналар шинам, бемор ҳамда мижозлар

химизда бундай табиат мўъжизаларига бидъат, эскилик сарқити, дея қаралганди.

Муस्ताқилликнинг дастлабки йилларида «Омонхона» суви таркибида магний сульфит, ионлар мавжудлиги, улар киши саломатлиги учун фойдали эканлиги аниқланди. Бу жиҳати билан хориждаги «Трусковец» сувидан анча устунлиги аён бўлди.

«Ўзбекистон темир йўллари» акциядорлик жамияти томонидан бунёд қилинган ушбу бальнеологик даволаш муассасаси бугун нафақат темир йўлчилар, балки мамлакатимиз ва хориждан шифо истаб келувчи беморлар учун нажот масканига айланган.

— «Омонхона»нинг бе-назир суви нафақат жи-гар, балки ошқозон-ичак касалликларини ҳам даволайди, — дейди Навоий вилоятининг Кизилтепа туманида яшовчи Нурилла Мирзаев. — Замонавий типда бар-по этилган ушбу сихат-тоҳ ўз қулайликлари билан бугун хориждаги тур-дошларидан асло кам эмас. Шунинг учун ҳам хар йили меҳнат таъти-лида шу ерга ошқаман.

Дарҳақиқат, «Омонхона»нинг ҳаётбахш неъм-ати довруғи, у ердаги шарт-шароит кўпчиликни ўзига чорламоқда.

— Хар йили фақат ўзим келиб, даволаниб кетардим, — дейди кўқонлик Воҳиджон Мавлонов. — Бу гал тур-муш ўртоғим билан ўғил-ларимни ҳам бирга олиб келдим. Тоғ сувидан симириб, булоқ сувидан маза қилиб ичдик. Бу ер-даги шароитлар рисола-дагидек. Инсонлар учун олис тоғ бағрида бундай имконияту қулайликларни яратишининг ўзи бўлмай-ди ахир...

— Илгари муассаса-миз фақат май ойидан октябрь ойига қадар фаолият юритарди, — дейди мазкур маскан директори Бахтиёр Жўраев. — Чунки қорли-қировли кунларда бе-морларни қабул қилиш-га етарли шароит мав-жуд эмас эди. Сихаттоҳ «Ўзбекистон темир йўллари» АЖ ихтиёрига берилгач, дастлаб 100 ўринли, икки қаватли бино қурилиб, фойдала-нишга топширилди. Ен-атрофи ободонлаштири-либ, кўшимча қулайлик-лар яратилди. Эндилик-да йил давомида дам олувчиларга хизмат кўрсатаймиз.

Нормурод ТЕМИРОВ,
«Халқ сўзи» мухбири.

Шомурот ШАРАПОВ
олган суратлар.

Нодир андозалар, қадимий анъаналар

Гиламдўзлик жуда қадимий тарихга эга. Манбаларнинг гувоҳлик беришича, кўҳна Бухорода бу хунар идизи III-IV асрларга бориб тақалади. Қадимий сопол буюмлар, деворий суратларда ушбу амалий санъат турига оид айрим намуналарни учратамиз. Улардаги турфа ранглар, нозик нақшлар кўрку жозибаси кўнгилларга осойишталик улашади. Пишиқлиги, табиий ипақдан тайёрлангани билан кишини ўзига оҳанрабодек тортади.

АМАЛИЙ САНЪАТ

«Бухоро ипақ гиламлари» мар-казида ана шундай сара гилам-лар тўқиш борасида бой тажри-ба тўпланди. Бу ерда меҳнат қилаётган мутахассислар музей-ларда сақланаётган VIII — XVI аср-ларга таалуқли ва тарихий ки-тоблардаги шу каби ноёб ашё-ларнинг нодир намуналаридан нусха олиб, андозасини қозоғза

туширишади. Ўз ишининг уста-си саналган қизлар эса суратга қараб, гилам тўқийдилар. Қалб ҳарорати, кўз нури, қўллар сеҳ-ри билан яралган бундай маҳ-сулотлар ўтмишда тўқилганлари-га икки томчи сувдек ўхшайди. Айни пайтда бу ерда йигирма-дан зиёд турдаги гиламлар тай-ёрланапти.

Харидорлар бу ерда ўз дидига мос буюмларни танлаши ҳамда харид қилиши мумкин. Тўқув-чида эса «Устоз — шоғирд» анъ-анаси асосида ишлаш йўлга қўйилган. Қирқ нафар қиз гилам тўқиш билан машғул.

— Бухоро туризм касб-хунар коллежида тахсил олганман, — дейди ўзини Шаҳноза Аҳтамова деб таништирган қиз. — Ўқиш пайтида амалий машғулотлар ўтказгани Бухоронинг эски ша-ҳар ҳудудига тез-тез келар эдик. Шунда хорижий сайёҳларнинг миллий хунармандчилик буюмла-рини ҳайрат ва ҳавас билан ку-затишганини кўрдим. Менда гилам тўқишга қизиқиш ўшанда пайдо бўлган, десам, адашмай-ман. Марказ мутахассислари

кўмағида шу хунар сирларини ўргандим. Ишлаб, оиламга наф келтирялганман. Цехимизда тўқи-лаётган гиламларни, асосан, чет эллик сайёҳлар, миллий хунар-мандчилигимиз ихлосмандлари сотиб олишади. Маҳсулотлари-миз дунёнинг турли давлатлари-даги музей ҳамда шахсий кол-лекциялардан ҳам ўрин олган.

Дарҳақиқат, қадимий Бухоро-га келган сайёҳлар мазкур мар-казга, албатта, кириб ўтишади. Тўқувчи қизлар маҳоратига таҳ-син айтиб, камалакдек товланиб турган ипақ гиламлардан харид қилишади. Бу уларга серкўёш диёримизни, бетакорр табиати-мизни эслайтиб туради.

Истам ИБРОҲИМОВ,
«Халқ сўзи» мухбири.

ИНТИЛИШ

Хива туманининг Саёт қишлоғидаги «Мадина — Расулбек» агрофирмасида 200 тонна сизимга эга музлаткич камераси ишга туширилди.

Агрофирманинг янги лойиҳаси

Ушбу лойиҳа рўёбига маҳаллий тадбиркор Равшанбек Саъдуллаев томонидан 250 миллион сўмдан ортқ маб-лағ сарфланди. Айни пайтда ин-шоотга она-заминимиз неъматлари қабул қилинмоқда. Бунда агрофирма-га қарашли 4 гек-тар боғда сархил мева-сабзавотлар етиштирилаётгани, кўшимча равишда тумандаги деҳқон ва фермер хўжа-ликлари билан қишлоқ хўжалиги маҳсулотлари ха-риди бўйича шарт-номалар имзолан-гани кўл келаяпти.

— Йил охирига-ча яна битта шун-дай иншоотни қуриб битказамиз, — дейди Р. Саъ-дуллаев. — Бу ор-қали қиш мавсумида аҳоли эҳтиёжидан ор-ган 60 тоннадан зиёд замин неъматлари эк-спортга жўнатилади. Келгуси йил бошидан эса мева-сабзавотлари жойлаш учун пластмас-са идишлар ишлаб чиқаришни йўлга қўймоқчимиз.

Эътиборлиси, жорий йилнинг ўтган олти ойида вилоятда 9 та ана шундай замонавий омборхона фойдала-нишга топширилди. Йил охиригача улар сонини 74 тага етказиш режа-лаштирилган.

Ойбек РАҲИМОВ,
«Халқ сўзи» мухбири.

ЎЗБЕКИСТОН БАДИИЙ АКАДЕМИЯСИ КАМОЛИДДИН БЕҲЗОД НОМИДАГИ МИЛЛИЙ РАССОМЛИК ВА ДИЗАЙН ИНСТИТУТИ

2017 йил учун қуйидаги ихтисосликлар бўйича катта илмий ходимлар-изланувчилар институти ва мустақил изланувчиликка қабул эълон қилади.

Катта илмий ходимлар-изланувчилар институтига

17.00.01 — Санъат назарияси ва тарихи
17.00.04 — Дизайн назарияси тарихи
17.00.05 — Музейшунослик; тарихий маданий объект-ларни консервация қилиш, таъмирлаш ва сақлаш

17.00.06 — Маданият назарияси ва тарихи. Маданиятшунослик

Мустақил изланувчиликка

17.00.01 — Санъат назарияси ва тарихи
17.00.04 — Дизайн назарияси тарихи
17.00.05 — Музейшунослик; тарихий маданий объект-ларни консервация қилиш, таъмирлаш ва сақлаш
17.00.06 — Маданият назарияси ва тарихи. Маданиятшунослик.

КАТТА ИЛМИЙ ХОДИМЛАР-ИЗЛАНУВЧИЛАР СИФАТИДА ЎҚИШГА ТАЛАБГОРЛАР ҚУЙИДАГИ ХЎЖАТЛАРНИ ТОПШИРАДИЛАР:

- * ариза;
- * маълумотнома;
- * меҳнат дафтарчасининг белгиланган тартибда тасдиқланган нусхаси;
- * диплом нусхаси иловаси билан;
- * тадқиқот мавзуси бўйича эълон қилинган илмий маъруза ва докторлик диссертацияси режасининг тўлиқ лойиҳаси;
- * илмий журналларда ҳамда нашрларда эълон қилинган илмий мақолалар (камида учта), илмий ва илмий-амалий конференциялар, семинарлар ҳамда давра суҳбатлари тўпламларига фан доктори илмий даражасини олиш учун диссертация тадқиқотининг асосини ташкил этиши мумкин бўлган тегишли илмий

Кириш имтиҳонлари 2016 йил 1 — 20 декабрь кунлари бўлиб ўтади.

Мурожаат учун манзил: Тошкент шаҳри, Миробод тумани, Мирношоҳ кўчаси, 123-уй.
Телефон: (0-371) 255-98-39.

1295/923

ХУРМАТЛИ ИШБИЛАРМОН ВА ТАДБИРКОРЛАР!

«TOSHKENT UNIVERSAL AUCTIONS SAVDO» МЧЖ

2016 йил 20, 22, 27 ва 29 сентябрь кунлари ўтказиладиган оммавий оферта савдоларига таклиф этади.

Оммавий оферта савдоларига Хоразм вилояти, Урганч шаҳри, Анна Герман кўчаси, 22-уйда жойлашган «Узсаноатқурилишбанк» АТБ Хоразм минтақавий филиалининг қуйидаги хўжалик жамияти устав фондидаги 100 фоизлик улуши қўйилмоқда:

Т/р	Устав фондидаги улуш сотилаётган хўжалик жамиятининг номи ва ташкилий-ҳуқуқий шакли	Устав фондидаги улуш сотилаётган хўжалик жамиятининг		Савдога қўйилаётган улушнинг бошланғич баҳоси, сўм
		манзили	асосий фаолият йўналиши	
1.	«ХОРАЗМ SHISHA IDISHLARI» МЧЖ	Хоразм вилояти, Шовот тумани, Ижтимоият қишлоғи	Шиша идиш маҳсулотларини ишлаб чиқариш	30 921 463 000,0

Оммавий оферта шартлари:

- оммавий оферта савдоси қолиби савдо ўтказилганидан сўнг 10 иш куни мобайнида сотувчи билан олди-сотди шартномасини ўрнатилган тартибда имзолаши шарт;
 - олди-сотди шартномасини расмийлаштириш жараёнидаги харажатлар, хусусан, савдо ташкилотчисига тўланадиган комиссия тўловлар ҳамда юзага келадиган бошқа харажатлар харидор маблағлари ҳисобидан амалга оширилади.
 - **Савдоларда қатнашиш учун талабгорлар қуйидаги ҳужжатларни тақдим этишлари керак:**
 - юридик шахслар — давлат рўйхатидан ўтказилганлиги тўғрисида гувоҳнома ва устав нусхаси, ваколатли вакил қатнашса, унинг шахсини тасдиқловчи ҳужжат илова қилинган ҳолда, ўрнатилган тартибда расмийлаштирилган ишончнома;
 - жисмоний шахслар — паспорт (истикомат гувоҳномаси) нусхаси, ваколатли вакил қатнашса, ўрнатилган тартибда расмийлаштирилган ишончнома;
 - эълонда кўрсатилган банк ҳисоб рақамига закат пули ўтказилганлигини тасдиқловчи тўлов ҳужжати нусхаси;
 - ёпиқ конвертларга солинган, сотиб олиш бўйича таклиф қилинаётган сумма ҳамда тўловни амалга ошириш муддатига доир икки нусхадаги ҳужжатлар.
- Тақдим этилган ҳужжатларнинг барча варағи талабгор имзоси ва муҳри (муҳр мавжуд бўлган тақдирда) билан тасдиқланган бўлиши лозим.
- Талабгорлардан буюртмаларни қабул қилиш иш кунларида мазкур эълон чоп этилган санадан бошланади ҳамда савдо бошланишидан уч соат олдин тўхтайтилади.
- Талабгорлар оммавий оферта савдоларига қўйилаётган улуш бошланғич баҳосининг 2 (икки) фоизи миқдоридagi закат пулини «Toshkent universal auctions savdo» МЧЖнинг АТБ «Ипотека-банк» Шайхонтоҳур филиалидаги қуйидаги ҳисоб рақамига тўлашлари шарт: 2020800070429318001, МФО: 00425, СТИР: 302071274.
- Ушбу банк улуши сотилаётган корхона билан яқиндан танишиш истағидаги талабгорлар унинг юқорида кўрсатилган манзилига бориб танишишлари мумкин.

Оммавий оферта савдоларига тақдим этилган таклифлар белгиланган савдо кунлари соат 15.00 да Тошкент шаҳри, Миробод тумани, Амир Темуր шоҳқўчаси, 16-«А» уй, 3-қават, 307-хонада ўрганиб чиқилади.

Мурожаат учун манзиллар ва алоқа воситалари:

Сотувчи (банк): Хоразм вилояти, Урганч шаҳри, Анна Герман кўчаси, 22-уй.
Телефон: (0-362) 223-05-88. Тел./факс: (0-362) 223-10-16.
Савдо ташкилотчиси: Тошкент шаҳри, Миробод тумани, Амир Тему́р шоҳқўчаси, 16-«А» уй, 4-қават, 401-хона.
Телефон: (0-371) 233-02-49. Факс: (0-371) 233-23-40.
E-mail: TUAS_MCHJ@mail.ru

Гувоҳнома № 005357.

1291/920

18-ХАЛҚАРО КЎРГАЗМА 2016 йил, 14—16 сентябрь
Ўзбекистон, Тошкент ш., «Ўзэкспомарказ».

OSZBEK=PRINT OSZUPACK

ПОЛИГРАФИЯ, МАТБУОТ, КАДОҚКА БЕЛГИ ҚЎЙИШ ВА ИШЛАБ ЧИҚАРИШ УЧУН УСКУНА ХАМДА ТЕХНОЛОГИЯЛАР

facebook.com/ITEUzbekistan.uz
www.uzprint.uz

ON-LINE РҲҲАТДАН ЎТИНГ

ITE Uzbekistan
Тел.: (+998 71) 205-18-18.
E-mail: uzprint@ite-uzbekistan.uz

Guvoohnoma № 3583

Халқ сўзи Народное слово

МУАССИСЛАР:
Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вази́рлар Маҳкамаси

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 967. 75 932 нусхада босилди, ҳажми — 2 табоқ. Офсет усулида босилган. Қозғоғ бичими А—2. Баҳоси келишилган нархда.

Телефонлар:
Девонхона (0-371) 233-52-55;
Котибият (0-371) 233-10-28; Эълонлар (0-371) 232-11-15.

Тахририятга келган қўлёзмалар тақриз қилинмайди ва муаллифга қайтарилмайди.
Рекама материаллари учун тахририят жавобгар эмас.

Газета тахририят компьютер марказида терилди ҳамда оператор М. Бегмуртов томонидан саҳифаланди.

Газетанинг полиграфик жиҳатдан сифатли чоп этилишига «Шарк» нашриёт-матбаа акциядорлик компанияси масъул.
Босмахона телефони: (0-371) 233-11-07.

• МАНЗИЛИМИЗ:
100000,
Тошкент шаҳри,
Матбуотчилар кўчаси, 32-уй.
Навбатчи муҳаррир — Қ. Хидиров.
Навбатчи — Д. Солиқов.
Мусаҳҳих — Х. Топхўжаев.

«Шарк» нашриёт-матбаа акциядорлик компанияси босмахонаси. Корхона манзили:
«Буюк Турун» кўчаси, 41. ЎЗА якуни — 23.05
Тошпирилди — 01.15 1 2 3 4 5 6